



Gwirfoddoli Cymru

Cylch Grantiau Strategol 2025-28

Cynnwys

CYFLWYNIAD	3
NOD Y GRANT	4
AMCANION Y GRANT	4
MEINI PRAWF CYMHWYSEDD	4
Y BROSES CYFLWYNO CAIS	6
COFRESTRU GYDA MAP	7
CYFLWYNO CAIS – PROSES GWIRIO CYMHWYSEDD	7
PA DDOGFENNAU Y MAE ANGEN I MI EU CYFLWYNO?	8
BETH FYDD YN CAEL EI OFYN FEL RHAN O'R FFURFLEN GAIS.....	9
DYDDIADAU PWYSIG	10
ATODIAD 1	11

CYFLWYNIAD

Yn ystod y pandemig, gwelsom enghreifftiau ardderchog o'r sector gwirfoddol yn gweithio mewn partneriaeth gyda'r sector cyhoeddus a'r sector preifat er mwyn diwallu anghenion dynodedig mewn argyfwng.

Ers hynny, mae'r rheini sydd wedi derbyn Grant Strategol Gwirfoddoli Cymru (y Grant) wedi cynhyrchu gwaith ymchwil ac adnoddau sy'n symud arferion gwirfoddoli ymlaen i Gymru drwy gydweithio. I ddysgu mwy am y cyraeddiadau hyd yma, ewch i <https://knowledgehub.cymru/cy/>.


Bydd grant Strategol Gwirfoddoli Cymru eleni yn gweithio ar ddatgloi'r potensial i ymwreiddio a/neu ddatblygu gwirfoddoli cydgysylltiedig ymhellach. Croesawir ceisiadau grant am brosiectau hyd at 18 mis sy'n werth rhwng **£50,000 a £100,000**.

Ers i'r Grant lansio, mae Llywodraeth Cymru wedi sefydlu'r Grŵp Arwain Traws-sector ar Wirfoddoli, sydd wedi bod yn gweithio ar weledigaeth a fframwaith ar gyfer Model newydd ar gyfer Gwirfoddoli'n Effeithiol yng Nghymru:

- Gwirfoddoli fel 'ffordd o fyw' yng Nghymru
- Mae llesiant unigolion a chymunedau yn well
- Mae gwirfoddoli'n ddiogel, yn cael ei gefnogi ac yn gynaliadwy
- Mae gwirfoddoli'n gynhwysol, ac yn adlewyrchu cymdeithas, diwylliant ac iaith Cymru

Bydd dyfarniadau'r Grant yn gweithio tuag at gyflawni'r weledigaeth hon drwy'r gweithgareddau y byddant yn eu cyllido.

Model ar gyfer Cyflawni'r Weledigaeth



I gynorthwyo â'ch cais, mae **Atodiad 1** yn fatics aeddfedrwydd ar gyfer y chwe galluogwr allweddol a nodwyd o dan y model. Gellir defnyddio'r matrices hwn i nodi meysydd i'w datblygu yn eich gweithgaredd penodol, gan roi llinell sylfaen gyfredol i chi.

NOD Y GRANT

Bydd y gronfa hon yn galluogi nifer fach (tua phump) o fuddsoddiadau strategol i adeiladu ar y dulliau/mentrau newydd neu well o wirfoddoli ledled Cymru ac i ddysgu oddi wrthyn nhw. Bydd yn galluogi'r cynnydd a wnaed hyd yma i gael ei archwilio ymhellach a'i 'ymwreiddio' i mewn i waith parhaus.

AMCANION Y GRANT

Datgloi potensial strategol gwirfoddoli yn ystod y cyfnod mwy hirdymor:

- Adnabod yr angen strategol ac edrych ar gyfleoedd gwirfoddoli newydd neu gael gwared â rhwystrau i wirfoddoli;
- Edrych ar bartneriaethau o fewn y trydydd sector, y sector preifat a'r sector cyhoeddus a'r partneriaethau sydd rhyngddynt;
- Cefnogi'r gwaith o uwchraddio isadeiledd strategol a threfnu gwirfoddolwyr i ymgorffori arferion da sy'n dod i'r amlwg;
- Dysgu'n drylwyr am gydraddoldeb a chynhwysiant ym maes gwirfoddoli a sut y mae hyn yn effeithio ar gymunedau a'u lefelau ymgysylltu;
- Cryfhau partneriaethau;
- Hybu buddsoddi ariannol ac anariannol pellach.

Croesawir cynigion o safon uchel o'r meysydd blaenoriaethol canlynol:

- Iechyd a gofal cymdeithasol
- Addysg a phobl ifanc
- Argyfwng yr amgylchedd/hinsawdd
- Y Celfyddydau/diwylliant/chwaraeon
- Y Gymraeg/cymunedau

MEINI PRAWF CYMHWYSEDD

- Cyn cyflwyno eich cais, rhaid i chi siarad ag aelod penodol o staff CGGC neu aelod penodol o Dîm Cymorth y Trydydd Sector yn Llywodraeth Cymru (gweler isod). Bydd hyn yn sicrhau bod eich gweithgaredd yn cyd-fynd â nodau'r grant. Fel rhan o'r cais, bydd angen i chi roi enw'r aelod staff rydych chi wedi cysylltu ag ef. Ni fydd ceisiadau lle na chysylltwyd ag aelod staff o flaen llaw yn cael eu cyflwyno gerbron y panel.

Cysylltwch â'r aelod tîm y gallech fod wedi trafod eich prosiect ag ef yn flaenorol:

Aelod staff	Teitl swydd	E-bost
Sian Baker Maurice	Rheolwr Grantiau ac Incwm	sbakermaurice@wcva.cymru
Fiona Liddell	Rheolwr Helplu Cymru	fliddell@wcva.cymru
Felicite Walls	Rheolwr Gwirfoddoli	fwalls@wcva.cymru
Maggie Smith	Swyddog Cyfathrebu ac Ymgysylltu â Gwirfoddolwyr	msmith@wcva.cymru
Catherine Miller	Pennaeth Grantiau ac Incwm	cmiller@wcva.cymru
Llywodraeth Cymru	Tîm Cymorth y Trydydd Sector	thirdsectorqueries@gov.wales

- Mae eich mudiad yn canolbwyntio ar gymryd y camau nesaf gyda'ch gweithgaredd gwirfoddoli strategol, yn ceisio adeiladu ar y gwersi a ddysgwyd hyd yma i werthuso a chryfhau eich dull gweithredu ymhellach. E.e. cynyddu graddfa, ehangu partneriaethau, egluro arweinyddiaeth ac atebolrwydd neu adeiladu seilwaith cymorth cryfach.
- Mae gan eich mudiad incwm blynyddol o fwy na £250,000 (gall hyn fod yn gyfartalog dros y tair blynedd ddiwethaf) ac nid yw lefel y grant y cyflwynir cais amdano yn fwy nag 20% o'ch incwm blynyddol.
- Disgwylir i'r ymgeiswyr edrych ar y gwaith ymchwil a'r adnoddau sydd wedi'u cynhyrchu hyd yma drwy Grant Strategol Gwirfoddoli Cymru er mwyn osgoi dyblygu a sicrhau bod y gwaith yn newydd neu'n gwella rhywbeth (<https://knowledgehub.cymru/cy/> - chwiliwch am 'Strategol')
- Rydych chi'n fudiad corfforedig sydd wedi bod yn weithredol am o leiaf dwy flynedd
- Gallwch chi ddarparu llythyron cefnogi gan bartneriaid posibl/partneriaid presennol a/neu lythyron cefnogi gan fyrddau/gweithgorau arwain/strategol/partneriaeth berthnasol.
- Croesawir ceisiadau gan bob sector.
- Anogir ceisiadau gan bartneriaethau ond nid oes angen i brosiectau fod yn rhai cydweithredol o reidrwydd.
- Y gallu i gyflenwi'r prosiect o fewn yr amserlen benodedig.
- Gall Cynghorau Gwirfoddol Sirol (CVCs) fod yn bartneriaid penodol mewn ceisiadau, ond ni allant fod yn brif ymgeisydd.

YR HYN NA ELLIR EI GYLLIDO

- Ni fydd grantiau yn cael eu dyfarnu ar ôl yr achos, h.y. am gostau sydd eisoes wedi codi cyn derbyn y llythyr cynnig grant a'r telerau ac amodau wedi'u llofnodi.
- Pan fydd grantiau eraill gan Lywodraeth Cymru ar gyfer gweithgareddau penodol, disgwylir i'r rhain cael eu defnyddio lle'n bosibl.
- Proselyteiddio gweithgareddau

Y BROSES CYFLWYNO CAIS

Mae'r broses cyflwyno cais wedi'i rhannu'n ddau gam ar gyfer ymgeiswyr.

Cam 1: Cais

Yn rhan gyntaf y ffurflen cais, byddwch chi'n rhoi manylion eich mudiad, gan gynnwys polisiau, cyfrifon diweddaraf, a manylion cyswllt.

Byddwch chi'n defnyddio gweddill y ffurflen gais i ddisgrifio'r prosiect yn fanwl.

Ar ôl i'r cais gael ei gyflwyno, bydd y tîm Grantiau yn adolygu'r cais yn erbyn y meini prawf cymhwysedd ac yn asesu atebion yn erbyn nodau ac amcanion y grant. Efallai y bydd y tîm yn cysylltu â chi i gael manylion ychwanegol, gwybodaeth/dogfennau ategol os ydynt ar goll.

Bydd ansawdd y ceisiadau yn cael eu gwirio cyn cyflwyno'r argymhellion terfynol i Fwrdd Gwirfoddoli Cymru.

Cam 2: Bwrdd Gwirfoddoli Cymru*

Bydd yr holl geisiadau sy'n pasio'r gwiriadau cymhwysedd yn cael eu hatgyfeirio i Fwrdd Gwirfoddoli Cymru. Bydd y Bwrdd yn penderfynu pa geisiadau i'w cyllido. Gall hefyd wneud argymhellion am gyllid rhannol pan fo'n briodol/yn unol â'r cyllid sydd ar gael.

Unwaith y bydd y Cadeirydd wedi cymeradwyo'r penderfyniad terfynol, bydd llythyrau canlyniad yn cael eu hanfon at bob ymgeisydd.

***Bwrdd Prosiect Gwirfoddoli Cymru** sy'n darparu'r cyfeiriad strategol a'r trosolwg o'r cynllun grant. Mae'n cefnogi'r gwaith o arfarnu a dyfarnu grantiau ac yn adolygu perfformiad prosiectau. Mae'r Bwrdd yn cynnwys aelodau o Fwrdd CGGC ac aelodau a bennwyd o'r gymuned gwirfoddoli yng Nghymru.

COFRESTRU GYDA MAP

Er mwyn gwneud cais am Grantiau Gwirfoddoli Cymru, bydd angen i chi gofrestru gyda Phorth Ymgeisio Aml-ddiben CGGC (MAP). Os ydych wedi cofrestru gyda MAP o'r blaen, gallwch fewngofnodi drwy nodi eich enw defnyddiwr a'ch cyfrinair ar y dudalen hafan.

Gall mudiadau gofrestru trwy fynd i'r wefan: map.wcva.cymru

Unwaith y byddwch wedi cofrestru gyda MAP, byddwch chi'n gallu ymgeisio am unrhyw gyfleoedd cyllido a weinyddir gan CGGC.

CYFLWYNO CAIS – PROSES GWIRIO CYMHWYSEDD

Dylech chi adolygu'r wybodaeth ganlynol cyn cyflwyno cais am y cylch grant. Dim ond ceisiadau gan fudiadau sy'n gallu dangos eu bod yn bodloni'r meini prawf sylfaenol fydd yn symud i'r asesiad llawn:

- 1) Sicrhewch eich bod chi'n bodloni'r meini prawf sylfaenol:
 - Corfforedig ers o leiaf 2 flynedd
 - Incwm o fwy na £250,000 (cyfanswm cyfartalog dros y 3 blwyddyn ariannol ddiwethaf lle y bo'n berthnasol) ac nid yw lefel y grant y gofynnir amdano yn fwy nag 20% o'ch incwm blynyddol
 - Bodloni (o leiaf un) o amcanion y gronfa
- 2) Darparu tystiolaeth bod y mudiad yn canolbwyntio ar y camau nesaf o'u gweithgareddau gwirfoddoli strategol, yn ceisio cynyddu graddfa, partneriaethau, strategaeth, a threfniadau. Gallai enghreifftiau o **dystiolaeth** y mae'n rhaid iddi gefnogi'r pwrpas a'r cynllun a ddisgrifir gynnwys:
 - Strategaeth wirfoddoli
 - Strategaeth 5 mlynedd y mudiad neu ei gynllun blynyddol

- Cofnodion cyfarfodydd uwch-reoli
- Dogfennau cynllunio / cofnodion / nodiadau / cytundebau â phartneriaid
- Cyfeirio at faes gweithgarwch mewn strategaethau partneriaeth lleol/rhanbarthol e.e. Byrddau Partneriaeth Lleol, Byrddau Partneriaeth Rhanbarthol, Fforymau Gwydnwch Lleol ac ati

- 3) Mae'n rhaid i unrhyw bartneriaid a nodwyd ddarparu llythyr o gefnogaeth/fwriad. Mae'n rhaid i lythyron o gefnogaeth gysylltu'n ôl yn glir i'r gweithgaredd a ddisgrifiwyd ac nid cefnogi gweithgareddau'r mudiad yn gyffredinol.
- 4) Os nad yw partneriaid penodol wedi'u nodi hyd yma gan mai nod y gweithgaredd hwn yw "Adnabod yr angen strategol ac archwilio cyfleodd gwirfoddoli newydd" bydd angen i fyrddau/gweithgorau arwain / strategol / partneriaethau ddarparu llythyron o gefnogaeth/fwriad i ymgysylltu. E.e. Byrddau Sector Cyhoeddus, Byrddau Partneriaeth Rhanbarthol, Byrddau Iechyd, Fforymau Gwydnwch Lleol. Mae'n rhaid i'r rhain gysylltu'n ôl yn benodol i'r gweithgaredd a ddisgrifiwyd ac nid llythyr o gefnogaeth yn gyffredinol ar gyfer gweithgareddau cyffredinol y mudiad.
- 5) Sylwer: Rhoddir blaenoriaeth i geisiadau sy'n gweithio yn y meysydd blaenoriaethol a nodwyd.

PA DDOGFENNAU Y MAE ANGEN I MI EU CYFLWYNO?

Bydd y cais yn gofyn i chi gyflwyno dogfennau ar-lein ar ffurf PDF wedi'i sganio.

Bydd angen i chi gyflwyno dogfennau sy'n benodol i'ch mudiad, ond os nad oes gan eich mudiad fersiynau terfynol o unrhyw un o'r polisiau ar hyn o bryd, gallwch gysylltu â'ch CVC lleol am gymorth ([gellir dod o hyd i'r cyfeiriadur yma](#)). Mae'n bosibl na fydd yn gwneud eich cais yn anghymwys, ond byddem yn disgwyl gweld bod polisiau'n cael eu datblygu cyn y dyfarniad:

- Polisi Gwirfoddoli
- Dogfen lywodraethu
- Polisi Cyfle Cyfartal
- Polisi Amgylcheddol
- Polisi Iaith Gymraeg
- Polisi Diogelu Data (sy'n dangos cydymffurfiad â'r GDPR)
- Polisi Diogelu (Rhaid i bolisiau diogelu fod yn addas i'r diben. Os gwelir wrth adolygu fod angen diwygiadau/addasiadau, byddwch chi'n cael gwybod. **Ni**

fydd unrhyw gais yn cael ei argymhell i'r panel heb bolisi Diogelu digonol).

Gweler y canllawiau: <https://thirdsectorsupport.wales/cy/adnoddau/polisi-diogelu-canllawiau/>

- Datganiad banc diweddaraf (o fewn y 3 mis diwethaf)
- Set ddiweddaraf o gyfrifon archwiliatedig llawn
- Set ddiweddaraf o gyfrifon drafft (os yw'r cyfrifon archwiliatedig yn hynach na 12 mis oed NEU gyfrifon rheoli (os yw'r cyfrifon archwiliatedig yn hynach na 12 mis oed)
- Proffil ariannol prosiect (bydd angen cwblhau hwn ar dempled gorfodol CGGC)

BETH FYDD YN CAEL EI OFYN FEL RHAN O'R FFURFLEN GAIS

(mae'n rhaid cyflwyno eich cais drwy [MAP](#)):

- 1) Bydd angen i bob cais ddarparu cynllun prosiect sy'n amlinellu diben y cais am gyllid a sut y caiff ei gyflawni, dylai hyn gynnwys:
 - Nod(au) ac amcanion y prosiect
 - Sut y caiff nod a'r amcanion eu cyflawni; sut y caiff hyn ei fesur er mwyn dangos hyn
 - Disgrifiwch ba adnoddau a ddefnyddir ar gyfer y prosiect hwn – dylid osgoi creu rolau dros dro anghynladwy lle y bo'n bosibl
 - Prif risgiau a mesurau lliniaru
 - Amserlen fras o weithgareddau
- Bydd disgrifiadau'r prosiectau yn dangos yn glir sut maen nhw'n ystyried 6 galluogwr allweddol y 'Model ar gyfer Gwirfoddoli'n Effeithiol yng Nghymru':
 - Arweinyddiaeth ar bob lefel
 - Cynlluniau cyflawni clir wedi'u seilio ar bolisi cadarn
 - Cefnogi seilwaith ac adnoddau
 - Amcanion canolbwyntiedig â'r nod o weithredu mewn meysydd penodol
 - Dull sy'n rhoi pwys mawr ar werth pobl a gwirfoddolwyr
 - Dull sydd wedi'i deilwra i gymdeithas, diwylliant ac iaith Cymru
- 2) Pwy yw'ch partneriaid/rhanddeiliaid ar gyfer y gweithgaredd hwn?
 - Meysydd posibl i'w hystyried:
 - Atebolrwydd ac arweinyddiaeth – sut y caiff y prosiect ei arwain a'i lywodraethu ar lefel strategol a/neu lefel weithredol?
 - A yw'r partneriaethau strategol/gweithredol hyn yn rhai a hen sefydlwyd neu a yw'r cais wedi'i gefnogi gan bartneriaid posibl?

- Rolau a chyfrifoldebau penodol pob partner gan gynnwys y prif ymgeisydd - rhowch ystyriaeth i'r systemau sydd mewn lle, gan gynnwys cytundebau partneriaeth a mewnbwn allweddol gan bob partner

3) Beth fydd effaith eich gweithgaredd?

- Meysydd posibl i'w hystyried:
 - Canlyniadau ac effaith ddisgwyliedig yn ystod oes y prosiect a thu hwnt.
 - Os bydd eich nod a'ch amcanion yn cael eu cyflawni, beth fydd hyn yn ei olygu i'ch buddiolwyr a phrif randdeiliaid yn yr hirdymor?
 - Sut byddwch chi'n cynnal y broses gwerthuso effaith?
 - Sut bydd canlyniadau'r broses gwerthuso effaith yn hysbysu eich camau nesaf?

4) Cyllideb

- Pethau i'w hystyried:
 - Mae'r grant hwn yn bennaf ar gyfer costau refeniw ond gellir ystyried eitemau bach ar gyfer costau cyfalaf (uchafswm o £5,000) os ydynt yn hanfodol er mwyn cyflenwi'r prosiect
 - Mae'r gyllideb yn cysylltu'n ôl yn glir i'r gweithgareddau a ddisgrifiwyd
 - Dylai costau fod yn gymesur â graddfa'r gweithgaredd
 - Dylid rhoi ystyriaeth gymesur i werthuso ac i rannu gwersi a ddysgwyd. Dylid cynnal unrhyw weithgaredd monitro a gwerthuso drwy gydol oes y prosiect a dylid cyflwyno canfyddiadau ymhen 3 mis o pan fydd y prosiect yn dod i ben.
 - Cofiwch ystyried y gost o gyfieithu'r gwerthusiad terfynol a/neu'r adnoddau a gynhyrchir i'r Gymraeg

DYDDIADAU PWYSIG

Dyddiad lansio: 3 Chwefror 2025

Dyddiad cau: 2 Mai 2025

Canlyniad y cais am grant: Mehefin 2025

Dyddiad dechrau prosiect cynharaf: 1 Gorffennaf 2025

Dyddiad dechrau prosiect diweddaraf: 1 Ionawr 2026

Atodiad 1

Asesu maes gweithgarwch cyfan neu segment penodol yn erbyn y galluogwyr allweddol

Galluogwyr / Cyflwr angenrheidiol	1 Ddigonol	2	3 Yn gymharol effeithiol	4	5 Effeithiol iawn
Arweinyddiaeth ar bob lefel					
Cefnogi seilwaith ac adnoddau					
Cynlluniau cyflawni clir yn seiliedig ar bolisi cadarn					
Amcanion canolbwyntiedig l'w gweithredu mewn meysydd penodol					
Dull sy'n canolbwyntio ar wirfoddolwyr ac y neu gwerthfawrogi					
Dull sydd wedi'i deilwra l gymdeithas, diwylliant ac ieithoedd Cymru					